



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Gvalterio Cathaniensi Episcopo, regni Siciliæ Cancellario.

**urn:nbn:de:hbz:466:1-20020**

## 216 Epistolarum Innocentij III.

tobr. pontificatus nostri anno undecimo.

*M A G I S T R O A I M E R O  
Canonico sancti Andreæ Pittavensis.*

Epist. 161.  
Respondetur  
ad ejus consul-  
ta.

**S**uper litteris quæ ab aliquibus ex Italia, & à nonnullis ex ignorantia, tacita veritate vel falsitate suggesta impenetrantur à nobis, diversos intelleximus diversa sentire, alii afferentibus eos debere prorsus carere omni commodo litterarum, cùm mendax prelator carere debeat impetratis, alii vero dicentibus quod etsi forma carere debeant in litteris nostris expressa, nihilominus tamen juxta rigorem juris sit à delegato judice in negotio procedendum. Nos igitur inter eos qui per fraudem vel malitiam & illos qui per simplicitatem vel ignorantiam à nobis litteras impetrant hujusmodi credimus discretionem habendam, ut ij qui priori modo falsitatem exprimunt vel suppressum veritatem, in sua perversitatibus pœnam nullum ex litteris commodum consequantur, ita videlicet quod delegatus, postquam sibi super hoc fuerit facta fides, nullatenus de causa cognoscatur. Inter alios autem qui posteriori modo litteras impenetrant dicimus distinguendum quæ falsitas suggesta fuerit, vel quæ veritas sit suppressa. Nam si talis expressa sit falsitas vel veritas oculata quæ, quamvis fuisse tacita vel expressa, nos nihilominus saltem in forma communis litteras dedissemus, delegatus non sequens formam in litteris ipsis appositam secundum ordinem juris in causa procedat. Si vero per hujusmodi falsitatis expressionem vel suppressionem etiam veritatis litteræ fuerint impetratae qua tacita vel expressa nos nullas prorsus litteras dedissemus, à delegato non est aliquatenus procedendum, nisi forsitan eatus ueribus ad suam præsentiam evocatis, de precum qualitate cognoscatur; ut sic in utropue casu eadem ratio quæ delegantem moveret, moveat etiam delegatum, & ubi delegans suas litteras denegaret, delegatus etiam suæ cognitionis officium nullatenus interponat. Datum Ferentini xv. Kal. Novembr. pontificatus nostri anno undecimo.

*W I L L E M M O D O I A R D  
Canonico Thebano.*

Epist. 161.  
Confirmatur  
sibi præbenda  
Thebana.

**S**oleat annuere sedes apostolica &c. usque impetriri. Eapropter, dilecte in Domino fili, tuis postulationibus grato concurrentes assensu, præbendam quam in Ecclesia Thebana es canonice assecu-

tus, sicut eam justè possides & quieris; auctoritate tibi apostolica confirmamus & præsentis scripti patrocinio communimus. Nulli ergo &c. nostræ confirmationis &c. Si quis autem hoc &c. usque noverit incursum. Datum Ferentini xiii. Kal. Nouembbris, pontificatus nostri anno undecimo.

*G V A L T E R I O C A T H A N I E N S I  
Episcopo, regni Siciliae Cancellario.*

**H**VMilitatem tuam & venerabilis fratris nostri Archiepiscopi Montis regalis commendamus in Domino caritatem, per quam videlicet non quæ sua sed quæ Iesu Christi sunt quærens, non est exaltatum cor suum ex eo quod humiliari ne refugis coram eo, obedientiam sibi & reverentiam, sicut per suas litteras intelleximus, offrendo, quæ Montano Archiepiscopo Cathaniensis Ecclesiæ ratione debetur. Cum igitur regis negotiis ac servitiis familiaritate necessaria & familiari necessitudine sis implexus, ac ideo sit necesse ab omni tibi suspicione caveri, eidem Archiepiscopo per nostras dedimus litteras in mandatis ut tuæ regiæque commoditatibus ac nostris precibus condescendens, tibi super juramento sibi debito impendendo necessitate deferat exigente. Quocirca fraternitatem tuam monemus attentionis & hortamur, per apostolica tibi scripta mandantes quatenus gratia quam tibi fecerit non ingratus, ipsum habecas in ea reverentia & honore in qua cum foreas juramento præstito habiturus, exhibitis ei, si voluerit, ad maiorem cautelam litteris tuis, in quibus spondeas & promittas quod & ad mandatum nostrum tempore opportuno, si necesse fuerit, fidelitatem sibi debitam exhibebis, & interim ei obedientiam & reverentiam, ac si fidelitatem præstis, impedes, follicite providendo ut de gratia nostræ favore securus talen erga nos & Romanam Ecclesiam fatigas te habere quod qui tecum in veritate procedimus, eò quod & te ambulare jam scimus in veritate nobiscum, ad honorem & incrementum tuum, ad quod ferventer intendimus, ferventius accendi possumus, cum illius in hac parte noverimus vestigia imitari qui dicit: *Convertimini ad me, & ego convertar ad vos.* Datum Ferentini xiii. Kal. Novembbris, pontificatus nostri anno undecimo.

*Scriptum est super hoc Archiepiscopo Montis regalis.*

BARTHO.